



Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Verna - A Dominica Septuagesimae, ad Dominicam SS. Trinitatis

Haineuve, Julien

Coloniæ Agrippinæ, 1665

Feria 5. De charitate simul & constantia conjungendis ad tolerantiam
adversitatum. Sic charitas & constantia simul junctæ constant, ut nisi sint
simul junctæ, non sibi constent.

urn:nbn:de:hbz:466:1-44214

Ephes. 4.
Colos. 2.

Denique, crescamus in illo per omnia, qui est caput Christus, ex quo totum corpus compactum & connexum est. SICVT ergo accepisti Iesum Christum Dominum nostrum, in ipso ambulate radicati & superadiscati in ipso, & confirmati in fide, sicut & didicisti, abundantes in illo in gratiarum actione.

Observa quam recte simul duo haec coniungantur, radicati & superadiscati; Vnum enim sine alio mancum esset & deficiens. Nam quod est radicatum, crescit quidem, sed facile evellitur. Quod est autem adiscatum, non

facile convellitur, sed non crescit. At ubi duae hæc conjunguntur, & firmitas adiscit & incrementum radicis, tum præclare sunt omnia. Quamobrem sic in Christo semper credendum, ut firmiter habeas; & ne haerendum firmiter, ut semper in illo crescas. Vide plura, verbo Christus, & hanc præcipue Veritatem.

Exemplo suo Christus non magis urget quam Imperio.

In prima parte. Die 13. Ianuarii.

FERIA QVINTA DE CHARITATE SIMVL ET Constantia coniungendis ad tolerantiam adversitatum.

Sicut dilexit me Pater, ego dilexi vos: manete in dilectione mea. Ioan. 15.

VERITAS PRACTICA.

Sic Charitas & Constantia simul junctæ constant, ut nisi sint simul junctæ, non sibi constent.

RATIO EST. Quia Charitas & Constantia non sibi constent, si frangantur ab oppositis difficultatibus.

Ad si non sint simul iunctæ, franguntur ab oppositis difficultatibus quas simul junctæ frangerent.

Ergo sic Charitas & Constantia simul junctæ, constant, ut nisi sint simul junctæ, non sibi constent: ac proinde simul jungenda sunt nec unquam separanda.

I. PUNCTUM.

CUM sermo ille Domini, qui hac hebdomade suscipitur considerandus, sit multo longior, quam ut totus considerari possit, multaq; ex eo veniant in Evangelia Dominicarum post Pascha, quæ tunc commodius expendeatur: feligenda modò

funt aliqua, quæ iuxta præfixum hebdomadi finem, tolerantiam in adversis corroborent. Sunt autem illa præcipue, quæ Christus Dominus de Caritate habet, quæ postquam in textu legeris; Vide quam arcte simul Caritas & Constantia cohaerent, quamque illa sit certa & necessaria Veritas, quæ proponitur; Quod sicut ha. due virtutes simul iunctæ fortiter constant in adversis, ita nisi sint simul iunctæ, non omnino sibi constent.

Ratio est facilis quoad illam primam partem, quâ dicitur Caritatem & Constantiam non constare sibi, si frangantur ab oppositis difficultatibus. Sicut enim constare sibi nihil aliud est quam constanter resistere contrariis, & nulla eorum vi frangi: sic planè non constare, hoc est, si non resistant, aut quantumcumque resistant, si frangantur. *Vt dissolutis cordis! Vt his, qui perdiderunt sustinentiam, & qui dereliquerunt vias rectas, & diverserunt in vias pravas!* Et quid facient, cum inspicere experit Dominus? quasi diceret, non erit quod fugiant, non erit quod excusat: & quia noluerunt resistere adversantibus sibi, cum cōmodè possent & deberent pro salute animæ, tunc & si vellet, non commode poterunt.

II. PUN-

II. PUNCTUM.

SED si Caritas & Constantia non sint simul juncta, franguntur ab oppositis difficultibus, quas simul juncta frangerent.

Sicut enim Caritati in his, quæ spectant ad Dei vel proximi dilectionem, multæ occurserunt difficultates: sic constantiae suis in objectis plurimæ obversantur: & quemadmodum Caritas oppositis frangeretur difficultibus, nisi constans esset, aut nisi constantia juvaretur; sic plane Constantia infringetur, nisi Caritate roboretur. Hinc aptè Aposto-

l. Cor. 13, lus, primò dixit, *Caritas patiens est*, ut ostenderet Caritati opus esse constantiam, tum verò post injunxit, *Caritas omnia suffert, omnia sustinet*; ut indicaret non minus necessariam esse constantiae Caritatem, quam Caritati constantiam. Nec frustra reperit, *Omnia suffert, Omnia sustinet*; sic enim Apostolus duo illa significat, quæ in Propositione nostra continentur; primò quidem, quod Constantia deficeret sine Caritate, quæ *omnia suffert*, deinde verò, quod nunquam deficiat, si Caritati jungenatur, *quæ omnia sustinet*. Quod postremum sic dixerit confirmat S. Augustinus: *Nihil est tam durum atque ferreum, quod non amoris igne vincatur*; quo enim se anima rapit in Deum, super omnem carnificinam libera & admiranda volitabit pennis pulcherrimis & integerrimis, quibus ad Dei complexum amor castus innititur. Nisi verò amatores auri, amatores laudis, amatores seminarum, amatoribus suis Deus faciat esse fortiores, cùm ille non amor, sed congruentius cupiditas vel libido nominetur. In qua ratione apparet quantus sit impetus animi, ad ea, quæ diliguntur, indefesso cursu perimmania quæque tendentis, argumento que nobis est, quād sunt omnia perferenda, ne deseramus Deum, si tanta illi, ut deserant perferunt.

L. 3. c. 5. His conformiter Thømas à Kempis, Magna, inquit, res est amor, magnum omnino bonum, quod solum leve facit omne onerosum, & fert aequaliter omne in aequali. Nam onus sine onere portat, & omne amarum dulce & sapidum efficit. Vide quæ plura refert toto illo capite; aut si mavis, bive illud sancti Bernardi dictum revolve: *Opus meum vix est unius horae: & si plus, præ amore non sentio*, Itane tecum agitur? Hinc explora, utrum verè diligas Deum, an non. Sic enim verè est de Cha-

ritate: omne onus exonerat, tuque si aliter sentis, manifestè contradicis Veritati Caritatis, seu Caritati veritatis, de qua Apostolus, postquam de iis qui pereunt, egit *Eo quod, inquit, Cariatum Veritatis non receperunt, ut salvi fuerint*. Quasi dicceret, propriæ difficultates perierunt, quas si superalissent salvi fuissent; illas autem verè superalissent, si vera Caritatem habuissent, quæ nihil reperit difficile quod non pererrumpat.

III. PUNCTUM.

SIC ergo Caritas & Constantia simul juncta constant, ut nisi sint simili juncta, non sibi co-servent; Quia cum disiunctæ sunt, franguntur illis difficultibus, quas simul juncta frigilissent. Si venis mecum, vadam; si non ueris uenire mecum, non pergam. Sic Barac Israelitarum Dux dicebat Debboræ: sic nos Caritati, non verbo sed re ipsa jungamus necesse est, si fortiter & fœliciter dimicare volumus contra occurrentes difficultates. Alioquin vel pugnam detrectabimus, & cedemus turpiter: vel in confitu periclitabimus, & damnosè caderemus, sicut illi, qui sine consilio & contra Caritatem exierunt in prælium, & inde fusi fugati que redierunt cum magna suorum jaatura, ut est in primo libro Machabæorum. Longè aliud fuit aliorum exitus, qui, ut ibidem dicitur, ex Charitate pugnantes, convaluerunt animis: non solum homines sed & bestias ferociissimas, & muros ferreos parati penetrare. Ibane igitur prompti, de celo habentes adjutorem, & mijerantem super eos Dominum. Leonum autem more, impetu irruentes in hostes, prostraverunt ex eis multa millia, quæ ibi recensentur distinctius.

O quanta vis! Charitaris! O quantum interest, bene vel male cum ea convenire! sicut enim Deus Charitas est, ita Deum unusquisque habet adjuvantem aut repugnantem, prout bene vel male cum Charitate convenit.

Vide in 3. parte, Feria 1. hebbomadæ nonæ, ubi haec proponitur Veritas:

Affectum probat effectus.

F 2

FERIA